



GETHESEMANI RAWL

(Monthly Prayer Bulletin of Hmar Christian Fellowship Delhi)

Volume No. 1 | Issue No. 8 | Thlaphal (November), 2023

“Iengkimah trongtraï le hniin lawmthu hrilsa peiin in dithai chu Pathien kuomah inhrietirin um lem raw se” (Fil 4:6)

Zawlnei Elija trongtraina Lalpa'n a dawn a, Zarefat khuoa hmeithai naupa, a thuok tawp ta chuh a hung dam nawk ti Bible a ei hmu (1 Lalhai 17:7-24). Trongtraina dawntu Pathien chu ring a umin, iengkim thawtheitu chu Ama chau a nih. Chuleiin, trongtraina hin thil a thaw theia, trongtraina thilthawtheina chun ramri a nei bok nawh. Trongtraina dawntu Pathien kuoma intlun ding chun thil iengkim el hih a lien taluo le a chin taluo a lo um naw a, an sang taluo le an hnuoi taluo a um naw a, an tak taluo le a ropui taluo a um bok nawh.

Lawmthu hrilna ding

- HCFD October 2023 Beiruol thrataka hmang zo theia ei um leiin
- Trongtraï, thilpek le thaa rongbawlina nei zawm thei zinga ei um leiin
- Shiv Vihar & Hari Vihar, New Delhi le Shikohabad, UP-a ei rongbawlnahai a fe tluong peia, Pathienin ringthar a mi pek sap zing leiin.

Dam Naw trongtraïpek ding

- Pi Siemtling Penatu, Nk. Elish Vanrammawi, Pu L.Thagen, Pi Lal-lawmsang le Pi Rebecca Buhri hai cancer anthawh an damfel ngeina din
- Pu L. Ruoivel Pangamte, lung tieng harsatna nei chu a dam peina din
- Rev. Saithanglur Joute, thuok tieng harsatna nei chu a dam peina din
- Pu Thangsang Varte, pangngaia a lawn theina din
- Pu Lalsiemlien Khawbung, a dam peina din
- Pu Lalremsung Infimate, chuop tieng harsatna nei chu a hung dam peina din

01.11.2023 (Nilaini)

- HCFD Nuhmei Deptt. ta din
- November thla sunga Competitive Exam. (CAT, SBI PO, Delhi Police Constable le dang dang): i. Eini mi, abiktakin Delhi khawtlang anthawh, exam. pe ding haiin, hlawtlingna an changna din ii. Exam. pe ding hai po poin hriselna thratak neia, an inpuocha le a hun takah an exam. seng theina din.

02.11.2023 (Ningani)

- HCFD Ningani Zan Trongtraï Inkhawm (Online): Thruoitu-Evan. Paozamu, Sharing-Tv. John Moody
- Pray For the World Ministry ta din: i. Wales rama rongbawlina an thranglien pei theina ding le an fellowship members an pung peina din ii. Naupang Sande Sikul hotu ding an mamaw ang an hmu vat theina din iii. Wales ramah revival a tlungna din iv. Pastor James R. Sanate le Pu Jim Blessing hai sungkuo an rongbawlina ah hrattaka an fe pei theina din v. Naupang Sande Sikul a naupanghai (30 lai zet an tling tah) ta din.

03.11.2023 (Zirtawpni)

- Shikohabad, UP-a rongbawlina: i. Evan. Paozamu an le Evan. Pramod Kumar hai ta din ii. Tuition class khawm a fe tluong peia, inchuktirtuhaiin naupanghai hmasawna dinga remhrietna thra an nei peina din iii. Naupang Sande Sikul a inthokin naupangha'n hlawkna tamtak neia Pathien thu hrietna tieng inthrangliena, thlarau malsawmna an dong peina din iv. Kohranhaiin Thlarau Thienghlim chenchilna le keihruoina donga, puitling tieng an pan peina din v. Biekin/Centre tuollai lampui (road) thra a um vatna din.

04.11.2023 (Inrinni)

- Voisun hin HCFD-DoM&YA Inkhawmpui vavi 14-na chuh hlawtling taka hmang a ni theina din
- Tarik 05.11.2023 a chawibiek hunah Thlarau Thienghlim chenchilna thartaka ei dongna din
- Rampuo: i. Indo/buoina (Ukraine-Russia indo, Israel-Hamas buoina) hai hih thrataka chingfel an hung ni vat theina din ii. Myanmar ram ah mipui insorkarna a ngir nawk vat

theina din iii. India threnum ram hai ah remna le muongna a um pei theina din iv. Khawvel hmun hrang hranga inikrapna (terrorism) hih hmetmit/hneban a hung ni theina din

05.11.2023 (Pathienni)

- Chawibiek Inkhawm (Matthai 28:1-20)-Thruoitu: Pastor Lalsiesang Zote; Trantu: Pi Lalramthieng; Pastoral Prayer: Pastor Lalsiesang Zote.
- Thlarau le thutaka Pathien ei chawibiek seng theina ding (John 4:23-24) le ei taksahai khawm Pathien chawimawina dinga ei inhlan thar seng theina din (1 Korinth 6:19-20)
- Pathien rama dinga tha le zung le sum le pai pekna kongah thafan le lawmtak pum zinga hratlema hma ei pan pei theina din (Thuvarhai 11:24-26, Mathai 6:19-21)

06.11.2023 (Thawtranni)

- HCFD Naupang Sande Sikul Deptt. ta din
- Suolthuphachawina (1 John 1:9-10) le Pathien kuoma inhlantharna (Rom 12:1-2)
- HSA Jt. Hqtrs Delhi ta din: i. Manipur buoina le inzawma hmalakna ah iii. Delhi khawtlang bika inchuklaihai tadinga hmalakna ah.

07.11.2023 (Thawleni)

- HCFD MVHI Centre-a Hindi Service: i. Hi rongbawlina le inzawmin Pastor Lalsiesang Zote le Evan. Vanlaltlan Amaw hai taksa le thlarauah Pathien sukhratna an chang zing theina din ii. Ringnawtu tamtakin sandamna an changna hmangruo a ni zawm peina din.
- Ramsung: i. Mizoram le Chhattisgarh (Phase I) states hai ah Assembly Election voisun hin thrataka nei a ni theina ding le ii. Hieng states pahni hai ah hin sorkar thra a pieng ngeina din

08.11.2023 (Nilaini)

- Shikohabad, UP Mission field: i. Ringthar an pung peina din ii. Kohran members haiin sorkar thuneituhai le ringnawtuhai lakah Pathien venghimna an dong zingna din iii. Biekin indin a um hih Lalpa'n mi venghim pek tlat din

09.11.2023 (Ningani)

- HCFD Ningani Zan Trongtraï Inkhawm (Online): Thruoitu-Pastor Steven L. Infimate,

Sharing-Pi Remthangmawi

- Khawvel pumpui Bible inlet le semdar rongbawlina: Bibles for the World, Gideons International, Bible Society of India, Delhi Hmar Publication Board (Delhi Version) le hmalatu danghai ta din.

10.11.2023 (Zirtawpni)

- Zangaitheina, thuhnuoirawlina, lungrilthienghlimna, hai hih a hun le hmun pei ah ei nunpui theina din (Mathai 5:3-12)
- Pathienin retheihai a hmangai ang bokin einihai khawma rethei hai hmangaina lungril neia, thilthawa ei hung phursuok ve theina din.
- Thilpeka ei rongbawlina ah (Good Samaritan Fund, Sawma Pakhat le dang dang) tuta neka ei hung hratlem pei theina din

11.11.2023 (Inrinni)

- Tarik 12.11.2023 a chawibiek hun ah Thlarau Thienghlim chenchilna thartak ei dongna din
- HSA Jt. Hqtrs. Delhi-in a huoihawt 'One Day Charity Football Tournament' voisuna nei ding chu hlawtling taka hmang a ni theina din
- Manipur buoina: i. Thrataka chingfel a hung ni vat theina din ii. Insorkarna/roinrelna hran siemppek ei hung ni vat theina din

12.11.2023 (Pathienni)

- Vawisun Chawibiek Inkhawm (Year Theme Message)-Chairman:Pu Joseph Lalramlien Joute, Trantu:Pi Lalmuongpui, Thuhritlu:Pu C Thant Khawbung, Pastoral Prayer: Pastor Lalditsak Inbuon
- Vawisun hin Shikohabad, UP-a biekin/centre hongna hunser chuh buoina um lo a, hlawtling taka hmang a ni theina din-Chairman:Evan. Pramod Kumar, Trantu: Pi Neha Kumari, Centre hongna:Upa Dr. Lalsiemlien Pulamte, Sharing: Pastor Lalsiesang Zote, Pastoral Prayer: Pastor Lalsiesang Zote

13.11.2023 (Thawtranni)

- Suolthuphachawina (1 John 1:9-10) le Pathien kuoma inhlantharna (Rom 12:1-2)
- Ramsung: i. Uniform Civil code hmang a ni nawna din ii. Press/media freedom le kam zalenna hai hih dan ang taka hmang/kengkaw a ni pei theina din iii. Hnam/sakhuo tin zalenn

taka ei cheng tlang zing theina din (Unity in Diversity) iv. Eini kristienhai hih ei sinthawna hmun le mawphurna ei chelna hun le hmun pei ah hleprukna/fakrukna (corruption) do ngamtu le ram khuo-le-tui thra (right thinking citizens) le India ram a sietnalai siemthratnaa hmagruo pawimawtak ei hung ni seng theina din.

14.11.2023 (Thawleni)

- Chanchintha hridar sin ah thrahnm ei ngai nawk zuol seng theina din (Marka 16:15))
- Manipur buoina: i. CBI le NIA haiin Manipur buoina le inzawma thubuoi iemanizat an sui mek chu indik le felfai taka hma an lak theina din ii. Supreme Court-a case fe mek hai ah hnena ei changna din iii. Internet le media hai hih khuokhirna um lo a, pangngai taka hmag an hung ni pei theina din

15.11.2023 (Nilaini)

- Ei biekin hmun thubuoi le inzawmin neitu nina (possession) ei hmu vat theina din.
- Ei members inchuklaihai le sin zawng mek hai ta din taimakna, varna le hlawtlingna (Thuvahai 1:7, 3:6, 9:10 & 14:23)
- NC Hills, Assam-a non-dimasa tribals ha'n sorkara an thil ngen (administrative set-up/unit) a puitling ngei theina din

16.11.2023 (Ningani)

- HCFD Ningani Zan Trongtrai Inkhawm (Online): Thruoitau-Evan. Vanlaltlan Amaw, Sharing: Pu Stephan Khawbung
- Ramsung: i. India rama ringnawtu hai hin Thutak an hrieta, an ringa, tamtakin sandamna an hung chang theina din ii. India rama misawnari hai po poin Pathien venghimna chang a, hrattaka rong an bawl pei theina din iii. India ram thruoitau lulawk tamtakin Pathien hring an hung hriet ngeina din

17.11.2023 (Zirtawpni)

- HCFD Vengbuk Inkhawm 12-hai taksa le thlarau ah hrattlema ei fe pei theina din
- All India HCFs hai po po chanchin thra hri ronbawlna hrattawk zuola a fe peina din
- Ringnawtu hai lai mawi le thienghlim taka kal ei chawi theina din (I Pet.2:12)
- Ramsung: i. Madhya Pradesh le Chhattisgarh (Phase II) states hai ah Assembly Election voisun hin thrataka nei a ni theina ding le ii. Hieng states pahni hai ah hin sorkar thra a pieng ngeina din

18.11.2023 (Inrinni)

- Tarik 19.11.2023 a chawibiek hunah Thlarau Thienghlim chenchilna a thartaka ei dawngna din (Thilthawhai 2:1-4)
- DHWA ta din: i. Delhi khawtlang bika rongbawlna le inzawmin ii. Manipur buoina le inzawma hmalakna ah.
- HCFD Naupang Deptt. le ei khawtlanga naupanghai ta din: i. An ngaituona, thlarau le taksa Lalpa'n suol anthawka venghim pek tlat din (Psalm 119:9, Thuhritu 12:1, 2 Timothy 2:22, Thuvahai 22:6) ii. Taksa le lungril ngaituona tieng thrataka an hung inthranglien seng theina din

19.11.2023 (Pathienni)

- Vawisun Chawibiek Inkhawm (NSS Day)-Hlawtling taka hmag a ni theina din. Chairman: Pu Lalrawngbawl Infimate, Thuhritu: Pastor Steven L. Infimate, Pastoral Prayer: Pastor Lalsiesang Zote.
- Thlarau le thutaka Pathien ei chawibiek seng theina ding (John 4:23-24) le ei taksahai khawm Pathien chawimawina dinga ei inhlan thar seng theina din (1 Korinth 6:19-20)

20.11.2023 (Thawtranni)

- Suolthuphachawina (1 John 1:9-10) le Pathien kuoma inhlantharna (Rom 12:1-2)
- Ramsung: i. President, Prime Minister, Ministers le ram thruoituhai po po ta din ii. States po po a thruoituhai ta din (1 Timothy 2:1-4) iii. Mipui roinrela (Democracy) hih ani ding ang taka (letter and spirit) humhal/vong ani zingna din iii. Sakhuo zalenna hih dan ang taka kengkaw a ni zing theina din

21.11.2023 (Thawleni)

- HCFD Executive Committee ta din
- Hmar hnam ta din: i. Inremna, inpumkhatna le inthuruolna thratak a hung um pei theina din ii. Thruoituhai po po ta din
- Ei hmar hnam sunga inruithei ngawlvawina (drug addiction): i. Inruithei ching zawngsak hai an ngei theina din ii. Inruithei zawra sumdawng ha'n Pathienah an inlamleta, an sim theina din iii. Inruitheia sumdawngna a bo theina din.

22.11.2023 (Nilaini)

- Piengtharna/Sandamna: i. Inhre chienglo ei la um ani chun ei hung inhriet chieng theina din ii. Lal Isu tuok dingin ei inzoap seng theina din (Mathai 25:1-13)
- Ei talen hai khawm Lalpa ta dinga thiem le hlawk taka enkawltu ei ni seng theina din (Mathai 25:14-30)

23.11.2023 (Ningani)

- HCFD Ningani Zan Trongtrai Inkhawm (Online): Thruoitau-Pu Darsuothang Khawbung, Sharing-Pi Grace Khawbung
- Ramsung: i. Rajasthan state Assembly Election voisun hin thrataka nei a ni theina ding le ii. Hi state a hin sorkar thra a pieng ngeina din ii. Hleprukna/fakrukna (corruption) a kiem a, ramin hrattlema hma a sawn theina din i

24.11.2023 (Zirtawpni)

- Hmagaina (John 15:12, I Peter 1:22), indikna (Sam 15:1-4, 1 Kronikul 29:17) le ringumna (Luka 16:10-12) hai hih ei khawtlang a chawivul a ni zuol peina din
- Kristien Organizations/NGOs/Church Leaders: i. NGOs (IEM, EFI, World Vision India le dang dang) haiin India rama an hmalakna hrattlema a fe pei theina din ii. Sorkar thuneituhai lakah buoina/khuokhirna tuok lo a, zalen taka hma an lak theina din iii. Kristien Organizations thruoitau le Church Leaders haiin sorkar lakah inza phur taka an inlang tlat theina din

25.11.2023 (Inrinni)

- Tarik 26.11.2023 a chawibiek hunah Thlarau

Thienghlim chenchilna a thar taka ei dawngna din (Thilthawhai 2:1-4)

- Shiv Vihar, Delhi Mission field: i. Ringthar haiin Thlarau Thienghlim chenchilna le keihruoina an dong peina din ii. Sorkar thuneituhai le ringnawtu hai lakah Pathien venghimna an dong zingna din iii. Ringthar an pung peina din

26.11.2023 (Pathienni)

- Vawisun Chawibiek Inkhawm (SS Exam. Day)-Thruoitau: Pastor Lalditsak Inbuon, SS Superintendent.
- Thlarau le thutaka Pathien ei chawibiek seng theina ding (John 4:23-24) le ei taksahai khawm Pathien chawimawina dinga ei inhlan thar seng theina din (1 Korinth 6:19-20)
- Worship & Media Teams ta din (Rongbawlna, ringna kalchawina & insung/an mimal bika din)

27.11.2023 (Thawtranni)

- Voisuna Shiv Vihar Mission Centre-a Medical Camp, Nuhmei Pawlin an huoihawt ding hih hlawtling taka hmag ani theina din
- Rampuo: i. China ramah Chanchintha hridar na kawt zalen taka a hung inhong peina din ii. Sukdudana a hluor zuolna rambung (North Korea, Iran, Nigeria le danghai) a kristienhai ta din iii. Khawvel po po ah sakhuo zalenna humhal a ni pei theina ding le Chanchintha hrattawk zuola hrildar a hung ni pei theina din

28.10.2023 (Thawleni)

- HCFD Vengbuk-12 a thruoituhai ta din (an rongbawlna le ringna kalchawina a din)
- Pherzawl Dist. (Hmarbiel le Vangaitlanghai): i. Tuivai leilak daw ani vatna ding ii. Infepawna lampui thra a umna din iii. Inchukna, fak le dawn zawngna hai ah hma an sawn hrattawk din.
- Ei hmar hnam sunga kohran pawl po po hai lai inthuruolna le thlaraua inpumkhatna thralema a hung um pei theina din (Efesi 4:3-5)

29.11.2023 (Nilaini)

- Ei Pastors hai po po ta din
- Suolthuphachawina (1 John 1:9-10) le Pathien kuoma inhlantharna (Rom 12:1-2)
- Bethany Convent School: i. Thawktuhai ta din ii. Naupang inchuklaihai ta din iii. Naupang buoiwai ngai zuol (problematic child-trong theilo/trongfie theilo) haiin taksa le lungril ah hrattawk a hma an hung sawn theina din.

30.11.2023 (Ningani)

- HCFD Ningani Zan Trongtrai Inkhawm (Online): Thruoitau-Pastor Lalditsak Inbuon, Sharing-Pi Rotluong Pulamte
- Sihiv Hivar le Hari Vihar-a rongbawlna: i. Free Tuition & Tailoring Class a zirtirtu le inchuklaihai ta din ii. Pastor Lalsiesang Zote, Evan. Vanlaltlan Amaw le Pu Lalngil-nei Khawbung hai sungkuoin an rongbawlna ah Pathien sukhratna le venghimna an chang zingna din
- Ramsung: i. Telangana state Assembly Election voisun hin thrataka nei a ni theina ding le ii. Hi state a hin sorkar thra a pieng ngeina din